

मॉर्निंग डोगरी न्यूज़ बुलेटिन, समे. **09-20** Hrs

<><><><><><>

Headlines

1. 5एं मुल्खे दे दौरे दे खीरी गेड़ च प्रधानमंत्री नरेन्द्र मोदी होर नामिबिया दी संसद गी संबोधत कीता, घाना, त्रिनिदाद,—टोबैगो, अर्जेन्टीना, ब्राजील ते नामिबिया दा दौरा मुकम्मल करियै ओह अज्ज नमीं दिल्ली परतोआ करदे न।
2. मुख्यमंत्री उमर अब्दुल्ला होरें आखेआ चे जे जम्मू कश्मीर च हालात दिनो दिन सामान्य होंदे जा'रदे न, सैलानिएं दी गिनतरी च बाद्धा होआ'रदा ऐ।
3. राई—बाई मैहकमे दे मंत्री जावेद अहमद डार होरें बरखा दे पानी पर निर्भर इलाकें च सिंचाई सुविधाएं दा जायजा लैता।
4. मुख्य सचिव अटल डुल्लू होरें नुनवान ते चंदनवाड़ी दा दौरा लाया ते श्री अमरनाथ जी दी यात्रा लेई कीते गेदे बंदोबस्ते दा मुआयना कीता।
5. 7 ज्हार 307 अमरनाथ यात्रिएं दा नमां जत्था अज्ज जम्मू थमां घाटी लेई रवाना होआ।

<><><><><><>

PM-Namibia Visit

प्रधानमंत्री नरेन्द्र मोदी होरें कल नामिबिया दी संसद गी संबोधत कीता। उनें पैहला महिला राष्ट्रपति चुनने लेई इस अफ्रीकी मुल्ख दी सराहना कीती ते इसी एतिहासक पल ते लोकतांत्रिक मुल्खें दी ताकत दा सबूत करार दित्ता। भारतीय राष्ट्रपति द्रौपदी मुर्मू हुंदा हवाला दिंदे होई जेहड़ियां जे भारत च पैहली जनजातीय महिला राष्ट्रपति बनियां न, मोदी होरें समाज दे पिछड़े वर्गें दे सशक्तिकरण लेई संविधानिक लोकतंत्र दी ताकत पर जोर दित्ता। अपने संबोधने च मोदी होरें आखेआ जे भारत ते नामिबिया बश्कार मजबूत लोकतांत्रिक मुल्खें कद्रे दी सांझ ऐ। उनें नामिबिया दे संस्थापक पितामाह डॉ. सैम नुजोमा हुंदे शासनकाल ते उंदिएं परम्पराएं गी बी चेता कीता। उनें आखेआ जे दौनें मुल्खें बश्कार एतिहासकखित्तें गी जोड़ने आलियां तंदां, दौनें मुल्खें दे लोक न। भारत ते नामिबिया बश्कार दोस्ती ते भ्याली दे भविष्य लेई लक्ष्येंद। जिक्र करदे होई उनें जोर देइयै आखेआ जे भारत ग्लोबल साउथ गी अगड़े लेई जाने दे लक्ष्य गी लेइयै नामिबिया गी कन्नै लेइयै कम्म करने

लेई वचनबद्ध ऐ। घाना, त्रिनिदाद—टोबग्गो, अर्जेन्टीना, ब्राजील ते मामिबिया दा दौरा मुकम्मल करियै ओह मुख्य वापस आवा करदे न।

<><><><><><>

CM-Kolkata Visit

मुख्यमंत्री उमर अब्दुल्ला होरें मेद ऐ जे अज्ज पच्छिम बंगाल दी मुख्यमंत्री ममता बेनर्जी हुंदे नै मलाटी लांगन। उमर अब्दुल्ला होर इक सैलसफा मेले च शिरकत करने लेई पच्छिम बंगाल दे दौरे पर न। इस सभ्याचार बैठक च दवै नेता मेद ऐ जे संसद दे औंदे बरसांती आले इजलास लेई विपक्ष दी रणनीति दे बारे च सलाह सूत्र करी सकदे न। इस ब'रे 22 अप्रैल गी पहलगाम च होएण छे आतंकी हमले च 26 लोक मारे गे हे, उस वारदात दे बाद दौनें मुख्यमंत्रिएं बश्कार एह पैहली पैहली मलाटी होग। कल कोलकाता पुज्जने पर जिसलै मीडिया आलें उमर होरें गी जम्मू कश्मीर दे मजबूत सुरक्षा हालातें दे बारे च पुच्छेआ तां उंदा आखना हा.

<><><><><><>

Agri Min-Irrigation

राई—बाई दी पैदावार सरबंधी मंत्री जावेद अहमद डार होरें सिविल सचिवालय श्रीनगर च इक बैठक लाइयै सिंचाई सुविधाएं दा जायजा लैता ते उनें इलाकें दी ताल करने लेई आखेआ जेहड़े सिंचाई लेई मुख्य तौर पर बरखा पर निर्भर न। बैठक दरान मजूदा स्थिति दा जायजा लैता गेआ। उनें सिंचाई सरबंधी ढांचे गी होर बेहतर करने लेई रणनीतिएं गी तलाशने ते करसान समुदाय दी भलाई लेई पानी प्रबंधन सरबंधी तौर तरीके पर जोर पाया। मंत्री होरें आधुनिक सिंचाई तकनीकें पानी गी किट्ठा करियै रखने ते पानी दे संरक्षण लेइ लोड़चदी कारवाई करने लेई मुत्तलका अफसरें गी हिदायत दित्ती। डार होरें राई—बाई आले क्षेत्र गी बढ़ावा देने ते बरखा पर सिंचाई लेई निर्भर इलाकें च सहूलतां उपलब्ध करोआने प्रति सरकार दी वचनबद्धता फही दोहराई।

<><><><><><>

MLA Inderwal(Dispatch)

इंद्रवाल थमां विधायक प्यारे लाल शर्मा होरें पीएमजीएसवाई, बागवानी, राजस्व, जंगलात ते होर दुए मुत्तलका मैहकमे दे अफसरें कन्नै बैठक लाई ते इंद्रवाल हल्के च शिड़क परियोजनाएं नमां सुचारू ढंगै सिर तोड़ चाढ़ने लेई पैहले थमां तैआरी करने लेई आखेआ। उनें मुत्तलका मैहकमे गी हिदायत दित्ती जे ओ मंजूर सारे कम्मों दी सांझे तौर पर तस्दीक करन ते अगड़र लोड़चदी कारवाई जकीनी बनान तां जे कम्म समें सिर मुकम्मल होई सकै।

<><><><><><>

CS-Base Camp

मुख्य सचिव अटल डुल्लू होरें चला'रदी श्री अमरनाथ जी दी यात्रा गी दिखदे होई नुनवान ते चंदनवाड़ी आधार शिविर च श्रद्धालुएं लेई कीते गेदे इंतजामें दा जायजा लैता। उनें सिविल प्रशासन, पुलस, सुरक्षाबलें, श्री अमरनाथ श्राईन बोर्ड दे वरिष्ठ अधिकारिणं कन्नै बैठक लाई ते इंतजामें दा जायजा लैता। उनें पियम कायदे दी अमलावरी, कर्मिणं दी तैनाती, निगरान सरिस्ते ते तकनालोजी आधारित प्रणाली ते सीसीटीवी निगरानी पर जोर पाया। उनें नुनवान आधार शिविर दा दौरा लाया ते सरबंधी घड़ें कन्ने गल्ल कीती। मगरा उनें चंदनवाड़ी आधार शिविर दा बी दौरा लाया ते मैडिकल सहूलतें दा जायजा लैता।

<><><><><><>

Amarnath Yatra

जम्मू दे भगवती नगर आले आधार शिविर थमां 7 जहार 307 श्रद्धालुएं दा इक होर जत्था श्री अमरनाथ यात्रा लेई घाटी आस्तै रवाना होहआ। एह श्रद्धालु 284 गड्डिणं दे काफले च सोआर होई यात्रा लेई रवाना होए। इंदे च 5 जहार 534 मर्द, इक जहार 586 महिला, 25 बच्चे, 138 साधु ते 24 साध्वियां शामिल न। अज्ज रवाना होए दे जत्थे च3 जहार 81 श्रद्धालु बालटाल ते 4 जहार 226 श्रद्धालु पहलगाम लेई रवाना होए न। यात्रा लेई कीते गेदे सुरक्षा ते दुए इंतजामें बारे अपने बचार सांझा करदे होई श्रद्धालुएं आखेआ.

<><><><><><>

TC-Baltal Visit

ट्रांसपोर्ट कमीशनर विशेष पाल महाजन होरें कल श्री अमरनाथ जी दी यात्रा दे रस्ते च महत्वपूर्ण थाहरें दा व्यापक दौरा लाया ते उत्थें गड्डिणं दी बवस्था ते बक्ख-बक्ख एजेंसिणं कन्नै तालमेल बवस्थाएं दा जायजा लैता। ट्रांसपोर्ट कमीशनर होरें बालटाल ते दोमेल आले बेस कैंप दा निरीक्षण करने दे बाद एसएसपी ट्रैफिक, ग्रामीण कैंप डरैक्टर दोमेल, ओ.पी.बीकन ते एस.एस.बी दे अधिकारिणं ते होरने हितधारकें कन्नै इक उच्ची बैठक बी लाई। बैठक च मुख्य तौरा पर चर्चा गड्डिणं दी आओजाई, सड़क सुरक्षा जकीनी बनाने, गड्डिणं दे संचालन बवस्था पर निगरानी ते बक्ख-बक्ख अजेंसिणं कन्नै तालमेल बधाने बारे कीती गई तां जे यात्रा दरान श्रद्धालुएं गी कोइ दिक्कत परेशानी पेश नेई आवै। बालटाल च विशेष महाजन होरें श्रद्धालुएं लेई उपलब्ध कराई जा'रदी गड्डिणं दी मुफ्त सेवा ते कन्नै सोनामर्ग च गड्डिणं दा भार तोलने आले बेइंग ब्रिज दा बी दौरा कीता।

<><><><><><>

रामबन सेहत मैहकमे आस्सेआ 17 मैडिकल कैंप रामबन जिले च राष्ट्रीय जरनैली शिड़क दे आले दोआले श्री अमरनाथ यात्रा आले रस्ते पर लाए गे न। एह कैंप लंगर आली थाहरें पर नाशरी सुरंग थमां नवयुग सुरंग तगर लाए गे न। चन्द्रकोट ते लंभार ग्राउंड च यात्रि निवास कश लौहके अस्पताल कायम कीते गे न। इनें दौनें थाहर 2 एम्बुलेंस बी तैनात कीतियां गेदियां न जिसलै कि कुसै बी माड़ी घटना कन्नै निबड़ने लेई बैक—अप एम्बुलेंस बी रखियां गेदियां न। इस बारे होर मती जानकारी दिंद होई रामबन दे मुख सेहत अधिकारी कोमल जाडू होरें आखेआ.

<><><><><><>